

ԳԻՏՈՒԹՅԱՆ ՊԱՏՄՈՒԹՅՈՒՆ

Լ. Ա. ԱՎԱԴՅԱՆ

ՏԻՖՐԱՆ ՋՐԲԱՇՅԱՆ

(Ծննդյան 65-ամյակի առթիվ)

Հայաստանի երկրաբանական ծառայությունն ավագ սերնդի ներկայացուցիչ, Երևանի Պետական համալսարանի երկրաբանական ֆակուլտետի հիմնադիր, պրոֆեսոր Տիգրան Արշակի Ջրբաշյանը ծնվել է 1895 թվականին Վանում։ Սկզբնական կրթությունը ստանում է հայրենի քաղաքում, իսկ ալնու-



հետև փոխադրվում է Թիֆլիս, ուր և շարունակում է ուսումը ներսիսյան դպրոցում։

1913 թվականից մինչև 1919 թվականը Տ. Ջրբաշյանը պաշտոնավարում է նախ Վանի, իսկ հետագայում Թիֆլիսի հայկական դպրոցներում, դասավանդելով մաթեմատիկա, ֆիզիկա, քիմիա և բնագիտություն առարկաները։ Սակայն ուսուցչությունը չի բավարարում բարձրագույն ուսման կարոտ Տիգրանին և նա 1918 թվականին ընդունվում է Թիֆլիսի (Անդրկովկասյան) մասնավոր համալսարանի բնագիտական ֆակուլտետը, ուր սովորում է մինչև 1920 թվականի կեսերը, մինչև համալսարանի փակումը։ Այդ նույն ժամանակամիջոցում իր գոյությունը պահպանելու համար նա աշխատում է Թիֆլիսի պոլիտեխնիկական ինստիտուտին կից հանքաբանական կաբինետում, որն ունենում է ճակատագրական նշանակություն նրա համար։ Հանքաբանական կա-

բինետի բաժնական հարուստ ու բազմազան հավաքածոները և ոգտակար հանածոների բազմերանգ ու գեղեցիկ նմուշները մեծ ազդեցություն են թողնում արտակարգ ընդունակ ու աշխատասեր Տիգրանի վրա և նա որոշում է իրեն նվիրել երկրաբանությունը և լեռնալին գործին:

1920 թվականին Տ. Զրբաշյանը մեկնում է Ֆրանսիա և ընդունվում Փարիզի (Սորբոնի) համալսարանը, ուր սկզբում լսում է ֆիզիկա-մաթեմատիկական մի շարք առարկաների լրիվ դասընթացը, իսկ հետագայում փոխադրվում է Լեռնալին ինստիտուտը, որը մեծ զրկանքների ու նյութական դժվարությունների գնով ավարտում է 1924 թվականին և ստանում է Լեռնալին ինստիտուտի կոչում: Սակայն Զրբաշյանը չի բավարարվում ձեռք բերածով և աշխատում է լրացնել ու հարստացնել իր երկրաբանական տեսական ու գործնական գիտելիքները: Այդ նպատակով նա մինչև 1925 թվականի վերջերը շարունակում է հաճախել համալսարանի դասախոսություններին, լսում է ընդհանուր երկրաբանություն, բյուրեղագիտություն, հնէաբանություն, հանքաբանություն, քարագիտություն դասընթացները և միաժամանակ աշխատում է Բնա-պատմական թանգարանի պրոֆեսոր Ա. Լակրուաի հանքաբանական լաբորատորիայում:

1926 թվականի սկզբներին Տիգրան Զրբաշյանը Փարիզից վերադառնում է Երևան և աշխատանքի է հրավիրվում Պետական համալսարանի բնագիտական ֆակուլտետում որպես ընդհանուր երկրաբանություն, բյուրեղագիտություն և հանքաբանություն առարկաների դասախոս: Այդ նույն թվականին նա ստեղծում է բյուրեղագիտական և հանքաբանական կարինետ, որը զգալի դեր է կատարում ուսանողների գործնական պարապմունքների կազմակերպման գործում:

1929 թվականին Տիգրան Զրբաշյանին շնորհվում է դոցենտի կոչում և նա նշանակվում է երկրաբանություն ու հանքաբանություն ամբիոնի վարիչ, իսկ 1933 թվականին գիտա-մանկավարժական բեղմնավոր գործունեություն համար նրան շնորհվում է պրոֆեսորի կոչում:

Սակայն Տիգրան Զրբաշյանը լայն ճանաչում է ստանում 1934 թվականին, երբ նա Երևանի Պետական համալսարանի ռեկտոր, հանգուցյալ Տիգրան Սուշեղյանի անմիջական օգնությամբ համալսարանում ստեղծում է երկրաբանական ֆակուլտետը: Ահա հենց այդ ժամանակ էլ դրսևորվում է նրա ոչ միայն գիտա-մանկավարժական աշխատանքի հիանալի կողմերը, այլև, նրա կազմակերպական աշխատանքի լավագույն ընդունակությունները:

Լինելով ֆակուլտետի առաջին ղեկանը և նրա միակ ամբիոնի վարիչը, Տ. Զրբաշյանը մեծ ջանք ու եռանդ է գործադրում նորաստեղծ երկրաբանական ֆակուլտետը շնորհալի երիտասարդ կադրերով համալրելու, նյութատեխնիկական բազա ստեղծելու և ուսումնա-արտադրական պրոցեսը օրինակելիորեն կազմակերպելու համար: Այդ հարցերում Զրբաշյանին մեծ օգնություն է ցույց տալիս նրա ասիստենտ Շ. Շատվորյանը, որը ժառանգելով իր պրոֆեսորի լավագույն հատկությունները, մինչև այսօր էլ աշխատում է ֆակուլտետում և շարունակում է իր ուսուցչի հիանալի տրագիցիաները:

Համապատասխան դասախոսական կադրերի բացակայություն պատճառով պրոֆ. Տ. Զրբաշյանը դասախոսում էր մի շարք առարկաներ, ընդհանուր երկրաբանություն, բյուրեղագիտություն, հանքաբանություն, հնէաբանություն, քարագիտություն և այլն: Ո՞րն էր նրա նեղ մասնագիտությունը

երկրաբանական գիտությունների շարքում, արդ շատ դժվար էր ասել, սակայն մի բան քաջ հայտնի էր բոլորին, որ նա տիրապետում էր իր կարդացած առարկաներին հավասար չափով:

Զրբաշյանը ուներ բազմակողմանի տեսական ու գործնական մեծ պատ-
րաստականություն, նա տիրապետում էր մի քանի օտար լեզուների, քաջ
ժանոթ էր համաշխարհային մասնագիտական գրականությանը, ստեղծել էր
իր մանկավարժական, գիտա-հետազոտական ու դաշտային աշխատանքների
ինքնատիպ դպրոցը: Նա զգալի դործ է կատարել նաև մալրենի լեզվով մաս-
նագիտական ձեռնարկներ ստեղծելու համար, զբաղվել է թարգմանչական ու
տերմինաբանական աշխատանքներով:

Մանկավարժական գործունեության հետ միասին Տիգրան Զրբաշյանը
որոշակի աշխատանք է կատարել մեր ռեսպուբլիկայի երկրաբանական կա-
ռուցվածքի ուսումնասիրման և օգտակար հանածոների հայտնաբերման
բնագավառում:

1927—1935 թվականներին նա որոնողա-հետախուզական աշխատանք-
ներ է տանում հատկապես Երևանի, Կոտայքի ու Ախտալի (Հրազդան) շրջ-
աններում ոչ մետաղական օգտակար հանածոների (պեմզա, բարիտ, մար-
մար, գիպս, աղ, նավթ, օքսիդիան, կիտաթանկարժեք քարեր և այլն) հայտ-
նաբերման ուղղությամբ: Այդ աշխատանքների արդյունքներն ամփոփված են
նրա մոտ երկու տասնյակի հասնող գիտա-տեխնիկական հաշվետվություննե-
րում, որոնք պահվում են Հայկական ՍՍՌ Մինիստրների Սովետին առընթեր
երկրաբանության և ընդերքի պահպանման վարչության ֆոնդում: Դրանցից
հատկապես արժանի են հիշատակման՝ Կոտայքի և Ախտալի (Հրազդան) շրջ-
անների պեմզաների մի շարք հանքավայրերի հայտնաբերմանը ու հետա-
խուզմանը (1927—1930 թթ.) կիտաթանկարժեք քարերին (1932 թ.), Զրբ-
վեժի գիպսի հանքավայրին (1933 թ.), Շոռուլաղի (Շոռաղբյուր—Շոռ ջրի
ձոր) նավթարերուծյանն ու աղարերուծյանը (1933—1934 թթ.) նվիրված
հաշվետվությունները, որոնք ներկայացնում են ինչպես տեսական, այնպես
էլ գործնական զգալի հետաքրքրություն:

Տիգրան Զրբաշյանը նաև ակտիվ հասարակական գործիչ էր: Նա 1930 և
1933 թվականին ընտրվել է Երևանի Քաղաքային Սովետի Գործկոմի անդամ,
1930 թվականին մասնակցում է Տաշքենդում գումարված երկրաբանների
համամիութենական երրորդ համագումարի աշխատանքներին, իսկ 1937 թր-
վականին ընտրվում է Միջազգային 17-րդ երկրաբանական կոնգրեսի պատ-
գամավոր:

Զրբաշյանը բազմաթիվ անգամ ելույթներ է ունեցել աշխատավորների
առաջ, հանդես գալով երկրաբանության հարցերին և հատկապես սեյսմոլոգիա-
յին նվիրված զեկուցումներով:

1935 թվականին Հայաստանի Կենտգործկոմը բարձր գնահատելով
Տ. Զրբաշյանի գիտա-մանկավարժական ու հասարակական ծառայությունները
նրան պարգևատրում է պատվոգրով:

Շատ կարճ ապրեց ու ստեղծագործեց լավագույն հայրենասեր ու ազ-
նիվ քաղաքացի, հիանալի մանկավարժ ու փորձված երկրաբան Տիգրան Զրբ-
աշյանը:

Եվ այսօր նրա բարի անունը մեծ հուզմունքով ու երախտագիտու-
թյամբ են հիշում նրա բոլոր ընկերներն ու բարեկամները, նրա աճեցրած ու
դաստիարակած կադրերը: